

Una Kitikmeoni LTC Munarivik tukliujuq taimaittumi Nunavunmi, pidjutaanin nakuujumik angmaqtirutaani uvani akuniraaluk munarvingmi Kangiqlinirmi atulihaaliqtillugu una ukiuq. Una nutaaq igluqpat tautuktittu angijunik maniliqtuutiit umiktiqhugin akuniraaluk piqangidjutit munaridjutikkut tamaani nunaptingni, pilluaqhunilu Kitikmeoni, qanga taimaa havagutigilluaqhimajuittuq.

“Hakugiktut paannaqatigiigutit tunngavigijaujun nakuujuni auladjutikhanun havaktakhanun. Una Kitikmeoni LTC Munarivik pilimaittuugaluaq pihimangitpat qanittukkut havaqagitiigutinik ukunani havagviptingni, kavamatuqatkunni paannarijaptingni, uumanilu nunallaami.” uqaqtuq Minista Joanasie. “Quviahuktugun tunijaami auladjutikhanik tamarmik mahulingaittuq kiuhainnaqtaaqtuqlu ihariagijainnun Nunavunmiunnin.”

Maniliqtuutikhat uumunga havaktakhamun tunijauliqtun uvuuna *Kanada-Nunavut ihuaqhaqtauhimajumi Atuni Angirutini*, ataani *Inuqqukittuni Ukiuqtaqtunilu Nunallaani Auladjutikhanik* havagutainni uvani *Maniliurutini Kanadami Auladjutikhanun Pinahuarutimi*. Una havaktakhaq naunaijaqtait akhuunarniit hakugikni naliinni-kavamagijaujuni paannariigutini hivumuudjutini iharianaqtuni auladjutikhanik ukiuqtaqtumi unghiktunilu nunallaani.

“Ublumi nunami-pualriharniq naunaiqtitaa aullaqtirnia havaktakhami pidjutiniaqtuq aallanguqtiqpiarutinik inuuhiiinni Inirnikhani ilagijainnullu tamaani Iqaluktuuttiami,” uqaqtuq Minista Ukiuqtaqtuni Ukiuqtaqtunilu Qanuriliudjutainni Ministaujuqlu munarijuq ukunani Kanadaup Ukiuqtaqtumi Piangaijarnikkut Pivallianikkut Havagvingmi Rebecca Chartrand. “Una akuniraalungni munarivik tautuktitaa atauttikkut havagumadjutikput pipkanimun Nunavunmiutat aaquaqtaaqtuq/inutquaqqataaqtuq ihumagittarijaulitik, qanuttumi aihimavingnun pitquhiinnullu. Nutaaq kavamakput quviahuktuq ikajuriami una akhuurnaqtuq hivumuudjuti, taamna tautuktiaa aulahimmaqtuq paannariigutivun Nunavunmiutanun.”

Havaktakhaup piliurnia piliuqhimajuq ihumagittiaqhimajunin nunallaanin uqautainnin. Nunallaami ilauqatigiinnikkut katimadjuti pijuuq tahamaniittumi havaktakhami titiraujaqtimi Saptabami 2024mi pipkaqtitait nunallaamiutat tuniudtiplugin ihumagijatik hivulilutijumajatik igluqpakhamun, pipkainirnun tautungnarniqaqtuq uppirijainnik pitquhikkullu ihariagijainnik Kitikmeoni.

Una Kitikmeoni LTC Munarivik tuniniaqtuq pitquhikkut idjutiqarluni munaridjutinik Inirnikhanun nappaqtirutikhallu aullaqtirniaqtun iniqqata niuvirutainnik havagutinik.

###

Tuhaqtipkainikkut Uqarvigijakhaq:

Charmaine Deogracias
Atanngujaq Tuhaqtipkaijini
Aanniaqtailinirmut Havagvia
867-975-5712
CDeogracias@gov.nu.ca

Greg Belanger
Atangujaq Atugakhanut,
Maligaliqidjutinut,
Tuhaqtipkainikkullu
Ingilrajulijikkut
Aulapkaidjutinullu
Nunavunmi
867-975-5449
GBelanger1@gov.nu.ca

Arcade Kakunze
Angajuqhiq
Tuhaqtipkainikkut Uqaujji
Igluliqinikkut,
Aulapkaidjutinun
Nunallaanilu Kanada
343-804-0324
Arcade.Kakunze@inf.gc.ca

ᐱᐱᐱᐱᐱᐱᐱᐱ ᐱᐱᐱᐱᐱᐱᐱᐱ ᐱᐱᐱᐱᐱᐱᐱᐱ, ᐱᐱᐱᐱᐱᐱᐱᐱ ᐱᐱᐱᐱᐱᐱᐱᐱ ᐱᐱᐱᐱᐱᐱᐱᐱ ᐱᐱᐱᐱᐱᐱᐱᐱ www.gov.nu.ca.
News releases are available in Inuktitut, English, Inuinnaqtun and French on www.gov.nu.ca.
Tuhaqtitaujukhat hailihimajun Inuktitut, Qablunaatun, Inuinnaqtun Uviivitigunlu uvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.